



KERAJAAN SERI PADUKA BAGINDA

MALAYSIA

PEKELILING PERKHIDMATAN BILANGAN 12 TAHUN 1997

**PENGURANGAN IMBUHAN TETAP KERAJIAN DAN
IMBUHAN TETAP KHIDMAT POLIS**

TUJUAN

1. Pekeliling Perkhidmatan ini bertujuan untuk menetapkan kaedah pengurangan Imbuhan Tetap Kerajaan dan Imbuhan Tetap Khidmat Polis bagi Pegawai/Anggota Pasukan Polis DiRaja Malaysia (PDRM).

LATAR BELAKANG

2. Kementerian Kewangan melalui Pekeliling Perbendaharaan Bil. 6 Tahun 1997 telah memaklumkan langkah tambahan yang perlu diambil untuk mengurangkan dan mengawal perbelanjaan awam. Diantaranya ialah pengurangan Imbuhan Tetap Kerajaan/Imbuhan Tetap Khidmat Awam dan Elaun Kerajaan/Elaun Khidmat Awam, mana yang berkenaan, bagi anggota

Perkhidmatan Awam dalam Kumpulan Pengurusan Tertinggi, Kumpulan Pengurusan & Profesional dan sebahagian Kumpulan Sokongan di bawah skim perkhidmatan Sistem Saraan Baru dan anggota setaraf di bawah skim perkhidmatan Jawatankuasa Kabinet. Walau bagaimanapun, pengurangan tersebut tidak seharusnya menjejaskan penerimaan apa-apa faedah semasa, berikutan daripada perlantikan kali pertama, kenaikan pangkat, pergerakan gaji atau persaraan bagi anggota yang terbabit.

PELAKSANAAN

3. Kaedah pengurangan Imbuhan Tetap Keraian (ITK) dan Imbuhan Tetap Khidmat Polis (ITKP) di bawah skim perkhidmatan Sistem Saraan Baru (SSB) adalah seperti berikut:

3.1 Imbuhan Tetap Keraian

Kadar Semasa (RM)	Jumlah Pengurangan (RM)
5,100	534
4,000	431
3,050	345
2,500	293
650	111
600	103
550	92

3.2 Imbuhan Tetap Khidmat Polis*

Kadar Semasa (RM)	Jumlah Pengurangan (RM)
300	29
170	14

* Pengurangan ini tidak terpakai bagi Pegawai/Anggota yang menerima ITKP kurang daripada RM170.

4. Ketua Jabatan hendaklah membayar ITK/ITKP, mana yang berkenaan, setelah menolak **Jumlah Pengurangan** mengikut perenggan 3 di atas daripada **Kadar Semasa**. Kadar semasa ialah kadar yang ditetapkan dalam [Pekeliling Perkhidmatan Bil. 8 Tahun 1988](#) dan [Pekeliling Perkhidmatan Bilangan 5 Tahun 1996](#).

PENGECUALIAN

5. Pegawai/Anggota lantikan kali pertama ke dalam perkhidmatan PDRM, layak menerima ITK/ITKP, mana yang berkenaan, atas kadar semasa (tanpa pengurangan) bagi bulan pertama sahaja. Pada bulan kedua dan seterusnya bayaran ITK/ITKP, mana yang berkenaan, hendaklah dikurangkan sepertimana yang ditetapkan di perenggan 3 dan 4 di atas. Kaedah ini terpakai juga bagi Pegawai/Anggota PDRM yang, melalui pergerakan gaji, kenaikan pangkat,

pinjaman, pertukaran sementara atau perlantikan daripada satu jawatan ke jawatan lain dalam Perkhidmatan Awam, layak menerima ITK/ITKP, mana yang berkenaan, atas kadar semasa yang lebih tinggi. Ketua Jabatan hendaklah merekodkan ini dalam Buku Kenyataan Perkhidmatan Pegawai/Anggota berkenaan.

6. Ketua Jabatan hendaklah membayar ITK/TKP, mana yang berkenaan, atas kadar semasa (tanpa pengurangan) bagi Pegawai/Anggota yang bersara atau meninggal dunia dalam perkhidmatan, pada bulan terakhir Pegawai/Anggota berkhidmat. Ketua Jabatan hendaklah merekodkan pembayaran ini dalam Buku Kenyataan Perkhidmatan Pegawai/Anggota berkenaan.

7. Penghitungan Gantian Cuti Rehat bagi Pegawai/Anggota yang bersara atau meninggal dunia dalam perkhidmatan, sekiranya layak, hendaklah dibuat mengikut formula yang ditetapkan dalam [Pekeliling Perkhidmatan Bil. 4 Tahun 1993](#) dengan mengambilkira kadar semasa (tanpa pengurangan) ITK/ITKP, mana yang berkenaan.

8. Pengiraan semua faedah persaraan yang diperuntukkan di bawah Akta Pencen 1980 adalah tidak terjejas.

TARIKH KUATKUASA

9. Pekeliling Perkhidmatan ini berkuatkuasa mulai 1 Januari 1998.

"BERKHIDMAT UNTUK NEGARA"



(TAN SRI DR. MAZLAN BIN AHMAD)
Ketua Pengarah Perkhidmatan Awam
Malaysia

JABATAN PERKHIDMATAN AWAM
MALAYSIA
KUALA LUMPUR

26 Disember 1997

Ketua Setiausaha,
Kementerian Dalam Negeri

Ketua Polis Negara,
Pasukan Polis DiRaja Malaysia